

Santa Rosa a ricibi bishita di Deputado Sra. Rolanda Hellburg-Makaai y Ehecutionan di TNO Caribbean y TNO Aruba

ORANJESTAD – Durante e ultimo aña 7, Departamento di Agricultura, Cria y Pesca a sondea sistemanan mas moderno, pa por acumula datos y asina motiva productor nan den uzo di sistemanan mas modernisa den nan cunucu of hofi. Esaki a logra capta e interes di varios otro instancia, incluyendo TNO como tambe representantenan

di islanan den region.

Recientemente, Santa Rosa tabata tin e placer di ricibi bishita di Sra. Rolanda Hellburg-Makaai, Deputado pa e isla di Boneiro pa locual ta trata Sector Primario. Sra. Hellburg-Makaai a wordo acompaña pa un delegacion di ehecutionan di Gobierno como tambe representantenan di TNO Caribbean y TNO Aruba.



Durante nan bishita, Sra. Nathalie Maduro, Directora di Santa Rosa y Sr. Rene Donata, Hurista pa e Departamento a reuni cu e delegacion y durante un combersacion ameno, a discuti e diferente posibilidadnan pa por establece un relacion mas estrecho di informacion cu DLVV Boneiro y DLVV Aruba. Tambe a papia referente e strategianan cu por traha pa ambos isla y con por sostene otro tambe cu por ehempel intercambio di producto y cria y informa-

cion di proyectonan pertenente na e Seccion di Pesca.

Pa loke ta trata e proyectonan mas grandi, nan a haci un recorrido chikito den Santa Rosa, camindanan por a mira con e trabounan ta bayendo na e infraestructura hydroponico y den e Seccion di Horticultura. Mester remarca cu e delegadonan a keda sumamente impresiona cu e diferente strategianan cu ta wordo ehecuta na Santa Rosa pa locual ta trata e parti di

estudio y implementacion di maneho como tambe e diferente ekipo, material, calidad di cria etc. cu Santa Rosa ta brinda na e productornan local di Aruba.

Ta spera cu den un tempo corto e representantenan di e LVV nan di tanto Boneiro, Corsou y Aruba lo por reuni pa wak con por crea un plataforma educativo cu lo por traha mas di cerca cu otro. “Sostene nos cultura, practica Cria, Pesca y Agricultura”